



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU NARODNA STRANKA BRČKO DISTRIKT BIH

Broj: 03-07-6-101/09
Sarajevo, 11.03. 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskih izvještaja Narodne stranke Brčko distrikt BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka nije ispoštovala odredbe člana 11. stav (1) i (3) Zakona o finansiranju političkih stranaka jer ukupan prihod stranka nije tačno iskazala, a godišnji finansijski izvještaj nije dostavila u zakonom propisanom roku.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskih izvještaja Narodne stranke Brčko distrikt BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka Brčko distrikt BiH je iskazala prihode u iznosu od 6.040,00 KM, čija je struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	5.040,00	83,40%
3	Prilozi pravnih lica	1.000,00	16,60%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ukupni prihodi:	6.040,00	100,00%

U godišnjem finansijskom izvještaju Narodna stranka Brčko distrikt BiH je iskazala ukupne rashode u iznosu od 5.991,60 KM.

2. PREDSTAVLJANJE POLITIČKE STRANKE

Naziv političke stranke: „Narodna stranka“ Brčko distrikta BiH.

Skraćeni naziv stranke je: „NS“ Brčko distrikta BiH.

Politička stranka je registrovana 15.04.2008. godine u Osnovnom sudu Brčko distrikta BiH, pod brojem: 096-0-Reg Ps -08-000003

Sjedište političke stranke je Brčko distrikt BiH, ul. Nikole Tesle br.60.

Za zastupanje stranke ovlašteni su: Vojko Gavrilović, predsjednik stranke i Borko Reljić, podpredsjednik stranke.

Lice ovlašteno za podnošenje finansijskih izvještaja za 2008. godinu je Vojko Gavrilović.

Prema podacima iz godišnjeg finansijskog izvještaja stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke Brčko distrikt BiH za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Narodna stranka Brčko distrikt BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Narodne stranke Brčko distrikta BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Kontrola finansijskog izvještaja se obavlja prvi put.

5. NALAZI I PREPORUKE

5.1. NALAZI

a) Na osnovu obavljenog pregleda finansijskog izvještaja utvrđeno je da je Narodna stranka Brčko distrikt BiH prekršila odredbe člana 11. stav (1)¹ Zakona o finansiranju političkih stranaka.

U finansijskom izvještaju stranka je iskazala priloge dva fizička lica u iznosu od 5.040,00 KM². Kontrolom poslovnih knjiga stranke i izvoda NLB Razvojne banke AD Banja Luka je utvrđeno da je stranka primila pozajmice a ne priloge kako je iskazala u finansijskom izvještaju koji je dostavila Centralnoj izbornoj komisiji Bosne i Hercegovine.

b) Na osnovu obavljenog pregleda finansijskog izvještaja utvrđeno je da je Narodna stranka Brčko distrikt BiH prekršila odredbe člana 11. stav (3)³ Zakona o finansiranju političkih stranaka.

- Stranka nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije dostavila u zakonom propisanom roku.⁴ Stranka je godišnji

¹ Političke partije vode evidencije o svojim prihodima i rashodima. Politička partija je dužna da Izornoj komisiji Bosne i Hercegovine podnese finansijski izvještaj za svaku kalendarsku godinu (računovodstvenu godinu).

² Bruto-bilans konto analitike 429100- Ostale kratkoročne obaveze- pozajmice stanje konta iznosi 5.040,00 KM.

³ Do 31.03. naredne godine političke partije podnose finansijski izvještaj u formi koju odobri Izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

⁴ U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj do 31.03. naredne godine..

finansijski izvještaj Centralnoj izbornoj komisiji Bosne i Hercegovine dostavila 15.06.2009.godine.

- Na obrascu pozajmice, krediti i dugovi nije iskazan iznos pozajmice od 5.040,00 KM, što nije u skladu sa članom 23. tačka a) Pravilnika o godišnjim finansijskim izvještajima političkih partija.

Troškovi predizborne kampanje

Narodna stranka Brčko distrikta BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 971,10 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije – Narodna stranka Brčko distrikta BiH mogla je potrošiti 8.020,80 KM.

5.2. PREPORUKE

Preporučuje se Narodnoj stranci Brčko distrikta BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbom člana 11. stav (1) Zakona o finansiranju političkih stranaka, odnosno da vodi evidencije o svojim prihodima i*
- *da postupa u skladu sa odredbom člana 11.stav (3) Zakona o finansiranju političkih stranaka, odnosno da finansijske izvještaje dostavlja u roku i na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

Komentar

Narodna stranka Brčko distrikta BiH nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu, koji je stranci dostavljen 08.01.2010. godine, u skladu sa članom 85. Zakona o upravnom postupku (“Službeni glasnik BiH” broj: 29/02 i 12/04).

Mr.Hasida Gušić, šef Službe za reviziju

Nevenko Andan, revizor

Anela Burdžović –Kapić, pomoćnik revizora

⁵ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.